

МЕСЯЦА ИУЛИЯ В 25-Й ДЕНЬ

УСПЕНИЕ СВЯТЫЯ АННЫ, МАТЕРЕ СВЯТЫЯ БОГОРОДИЦЫ, И ПАМЯТЬ СВЯТЫХ ЖЕН
ОЛИМПИАДЫ И ЕВПРАКСИИ

НА ВЕЧЕРНИ

На Господи, воззвах: стихиры святыя Анны на 6, глас 4.

Подобен: Дал еси знамение:

Законны оправдания соблюдающе невредимо * и Богу Вседержителю непорочно работающе, * сподобилася еси, Анно, мати быти * по плоти Христа рождающей Чистой Богоотроковице, * с Неюже ты ублажаем * и святое твое усупение * радостною мыслию празднуем днесь.

Жизни палату, Анно Богомудрая, рождши, * к жизни преставилася еси воистинну нетленней * и совокупаешися с лики праведных, * питающих тя богато Владычнейою радостию; * темже твое преставление совершаем, приснопоминаемая, * и верно почитаем, Богомудрии, днесь.

Дверь Небесную, Анно Богомудрая, рождши, * к Небесному селению востекла еси, славная, * и славы Божественныя ныне наслаждаешися. * Ейже и нас, честное твое усупение празднующих, * молитвами твоими сподоби, * страстей мрак разоряюще * и лютых обстояний мглу отгонящи.

Ины стихиры, глас 1.

Подобен: О, дивнаго чудесе:

Се светозарное торжество * и светлый день и миру, радостный, * усупение честное и достохвальное Анны благославныя, * из неяже родися Жизнь рождающая, * одушевленный кивот, невместимое Слово вместившая, * печали разрешение и радости Ходатаица, * подающая всем верным велию милость.

О, преславнаго чудесе! * Источник жизни преславно рождающая, * едину в женах благословенную Чистую, * преставляется от временныя жизни к безконечней * Анна благославная, * от земли взявшия к Небесным, * днесь срадоватися ангельским собором, * еяже ныне святое празднуем торжество.

Днесь светлое торжество, верных лица, * усупение твое честное почитаем всеблаготворейно * Божественным Духом: * наста бо нам исцелений блистающая благодать, * и попадающая воздушных духов лукавых совокупления, * и светом наставляющая мысли * верою воспевающих твое, досточудная Анно * честное преставление.

Слава, и ныне, глас 8. Анатолиево:

Иже от неплодных чресл * жезл святой, Богородицу, прозябший * из Неяже спасение миру возсия – Христос Бог, * супруг непорочный и двоице святая, Иоаким и Анна; * сии бо, преставльшися к Небесным селением, * со Дщерию своею Пречистою Девою * и со Ангелы ликуют, * о мире молитву творяще. * Ихже и мы, сошедшися, благочестно поюще, глаголем: * иже Богоотроковицы ради и Пречистыя Марии, * праотцы Христовы бывше, * молитесь о душах наших.

На стиховне стихиры, глас 5.

Подобен: Радуйся:

Радуйся, мысленная ластовице, * весну благодати нам возвестившая, * непорочно в целомудрии жительствовавши добре, * и девства сокровище, * честно болезновавшая, * Непорочную Богородицу, * агнице честная, яже рождающая Юницу, * вземлющего Агнца мира прегрешения, * словом Слово рождающую, едину Неискусомужную, * Анно, прамати Господня, ты от земли пресельшаго. * Егоже ныне моли душам нашим даровати велию милость.

Стих: **Р**адуйтесь, праведнии, о Господе, * **п**равым подобает похвала.

Радуйся, вожделенная Богу, * избранная святостями сияний закона, * двоице честная, * яже изъявления добре Божественною благодатию предлагающая, * Христа рождающую, Начальника жизни наша, Та родивши, * Иоаким Богоприятный и Божественная Анна всечестная, * светильницы, возсиявши свещу безсенную, * благоправящие благодать, Пречистую Богородицу. * С Неюже молитесь * душам нашим даровати велию милость.

Стих: **Б**лажени вси, боящиеся Господа, * **х**одящие в путех Его.

Радуйся, благословенная земле, * яже Богопрозябшую мирови землю процветшая, * яже в законе Божественном безпрестани поучающаяся * и благодать всем подписавшая, * союз неплодствия рождеством своим избегшая, * и смертию нетление воздающая, * и к Божественней престававшая светлости Анна Богоблаженная, * прамати Христа Бога, * яже светonosный светильник – Богородицу рождающая. * С Неюже испроси душам нашим даровати велию милость.

Слава, и ныне, глас 8:

Приидите, вся тварь, в кимвалех псаломски, сошедшися, * восхвалим Анну Богомудрую, * Божественную гору рождающую от ложесн своих * и к горе мысленней и райским селением * днесь преминувшую, и к ней возопием: * блаженное чрево твое, * носившее воистинну Свет мирови внутрь во чреве носившую, * и сосца твоя красная, яже ссапе доившая Христа, * пищу жизни наша. * Егоже моли избавити нас от всякия скорби и прилога вражия * и спасти души наша.

Тропарь, глас 4:

Жизнь рождающую во чреве носила еси, Чистую Богоматерь, * Богомудрая Анно. * Темже к приятию Небесному, идеже веселящихся жилище, * в славе радующися, ныне преставила еси, * чтущим тя любовию * прегрешений просящи очищение, * присноблаженная.

НА ПОВЕЧЕРИИ

Канон святых жен, егоже краегранесие: Честным женам честное пою пение. Глас 8, Иосиф.

Песнь 1

Ирмос: Колесницегонителя фараоня погрузи * чудотвори иногда, * Моисеиский жезл, крестообразно поразив * и разделив море, * Израиля же беглеца, пешеходца спасе, * песнь Богови воспевающа.

Плотскою немощию сильного врага низложите, и присвоистесь к Богу, преподобныя жены, молящесь силу всем нам подати спасительную.

Уязвистесь добротой Жениховой и во след Его прилепистесь псаломски, последующе живоносным стопам Его, и сего ради низложите врага змия.

Увидивше труды постническими телесныя доброты, украсисте ваши души и со Христом Женихом в чертоги светлыя видосте, преподобныя.

Богородичен: Невестник показася световиден утроба Твоя, Дево, милости ради телесно из Тебе воплотившагося Господа и всяческая Богоразумия лучами просвещшаго.

Песнь 3

Ирмос: Небеснаго круга Верхотворче, Господи, * и Церкви Зиждителю, * Ты мене утверди в любви Твоей, * желаний краю, верных утверждение, * Едине Человеколюбче.

Презрела еси доброту телесную, пречестная, и мимоградущую славу, яко сон, вменила еси, во смирении же, Олимпиадо, и пощении Бога взыскала еси, Богоблаженная.

Младенствующи леты, нас ради Младенца Слова, на землю, Евпраксии, пришедшаго, верую возлюбила еси и Того образу душу связала еси, непреложна пребывши.

Отвергостесь мира и плоти мудрования, воздержанием же и труды стяжавше Христа, Жениха Пречистаго, чертог Небесный, подающаго вам Божественное наслаждение.

Богородичен: Священных пророк священныя трубы древле Тя провозвестиша, дверь Света рождающую и свиток одушевленный, на немже не руками Слово написася паче слова, Пречистая Дево.

Песнь 4

Ирмос: Услышах, Господи, * смотрения Твоего таинство, * разумех дела Твоя * и прославих Твое Божество.

Странноприемница усерднейша была еси, собор священныя упокоевающи и Христа о сем веселящи, за милосердие страна бывшаго.

Доброту пречистую любимаго видевши Жениха твоего, Евпраксии, увидила еси плоти доброту воздержанием.

Дремание отринувше от душевных веждей священныя жены, усписте движания телесная воздержанием.

Богородичен: Воплотившагося Тебе, Господи, от Пречистыя Девы преподобныя возлюбивше, в волю мира Твоего потекоша, Твоею уязвившеся Божественною любовию.

Песнь 5

Ирмос: Вскую мя отриуи еси * от лица Твоего, Свете Незаходимый, * и покрыла мя есть чуждая тьма, окаяннаго, * но обрати мя и к свету заповедей Твоих * пути моя направи, молюся.

От источника напаяема, вселенную всезлатыми учении священнаго пастыря напоившаго, класы прозябла еси добрыя детели, Олимпиадо, имиже питаеши сердца нас, чтущих тя.

Блаженными надеждами твою славную душу укрепльши и пищею невещественною питаема, ума чистотою деньми многими терпеливно алчбу, Евпраксии, претерпела еси, радующися.

Умертвившеся миру, наследовате жизнь безсмертную и чертога Божественнаго сподобистеся, Богоблаженныя, свещи вапша постническим елеем неугасимы соблюдоше, всечестныя.

Богородичен: Божие Бог Слово во утробу Неискусобрачную волею вселися и Человек узрен бысть, Иже Девою соблюдый Тя, Пречистая, Егоже желающе, отроковицы постнически Сему последоваша житием светлым.

Песнь 6

Ирмос: Молитву пролию ко Господу * и Тому возведу печали моя, * яко зол душа моя исполнися * и живот мой аду приближися, * и молюся, яко Иона: * от тли, Боже, возведи мя.

Иона сущи, Евпраксия болезней усердием, благочестивым помыслом ветхаго зачинателя попираше в немощи женстей телесе: утверждаше бо сию Христос, Иже в нашу оболкся немощь.

Воздержание и смиренное сердце, бдение с милостынею, разум, и веру праву, и совершенну любовь, Олимпиадо, стяжавши, славная, была еси храм Божий и чудес источник неоскудный.

Устранивши себе житейских сластей терпением болезней постнических, на землю Сошедшаго нас ради и волею Странствовавша вы, честныя, сего ради стяжасте на Небесех, странноприимствовавша вас, досточудныя.

Богородичен: Чистоты Тя и честна девства чистый сосуд, Отроковице, Содетель обрет, словом в пречистое Твое чрево вселися и всю вражию от человек злобу изгна.

Седален, глас 8.

Подобен: Повеленное:

В молитвах тайных бдяще и наслаждшеся писаньми Богодохновенными, * Олимпиада и Евпраксия славная * на раму Господень взяша Крест и, Сему последующе воздержательно, * всю леств змия низложиша, зовуще Христу: * Женише Небесный, Ты буди нам утверждение.

Песнь 7

Ирмос: От Иудеи дошедше, отроцы * в Вавилоне иногда * верою Троическою пламень пещный попраша, поюще: * отцев Боже, благословен еси.

Славу тлеющую на нетленную премениша любовию, преподобныя, еже наслаждающиеся присно, радующиеся и веселящиеся, поют: благословен Бог отец наших.

О, како претерпе стояние, алчбу же на дни многи, Евпраксии, Христу вопиющи, Жениху: благословен Бог отец наших.

Велик ты сосуд узрев Божественнаго Духа, Олимпиадо, богато великими своими исполняет ты учении в патриарсех великий Златослов, блаженная.

Богородичен: Разрешила еси едина клятву праматернюю всех благословенными венчающаго Христа рождши, Дево, Емуже поем: Господи Боже, благословен еси во веки.

Песнь 8

Ирмос: Победители мучителя и пламене * благодатию Твоею бывше, * заповедем Твоим zelo прилежаще, отроцы вопияху: * благословите, вся дела Господня, Господа.

Помыслу, дево, страсти безсловесныя повинула еси, и Жениху Слову уневестившись, непорочная чистая, вопиющи: благословите, вся дела, Господа, пойте и превозносите Его во веки.

Вашими подвиги темнаго князя низложше, венец нетления нам исходатаиша, и райския входы, отроковице, и Божественное наслаждение в радости души во веки.

Распеншеся миру и Божию любовию уязвившеся, священныя девы, вкушением сладким Еву уязвившаго, воздержания стрелами уязviste, воспевающе Христа во веки.

Богородичен: Иисуса рождающая, от чистых кровей Твоих воплощенна, девы вся собрала еси, Пречистая Дево Мати, и с ними вопиющи: благословите, вся дела, Господа и превозносите Его во веки.

Песнь 9

Ирмос: Воистинну Богородицу, * Тя исповедуем, * спасеннии Тобою, Дево Чистая, * с Безплотными лики Тя величающе.

Красныя Владыце, и богоглаголивыя горлицы, и ластовицы светлыя и чистолюбивыя, в доброты Небесныя приведени бысте.

Сочтастеся с Вышними ликостоянии и во избранных соборех вселистеся, о нас молящеся любовию щедрому Богу.

Память Евпраксии и Олимпиады, яко солнце, мирови возсия, верных мысли просвещающи, Христа величающих присно.

Богородичен: Света сущи приятелище, просвети, Дево, омраченную страстьми душу мою и кроmeshния тьмы избави мя мольбами Твоими.

Стихиры святых жен, глас 1.

Подобен: Небесных чинов:

Тайнословца пророка * и учителя нашего * ученицу в песнех * Олимпиаду согласно почтим достойно * и с нею восхваляюще целомудренную и чистую Евпраксию, * яко Христу молящуюся спастися нам.

Благочестия исчадие * и удобрение монашествующих суцу, * песньми достойно
почтим согласно, вси вернии, * Евпраксию целомудренную, * яко молящую
Зиждителя о нас, * спастися душам нашим.

Слава: **Т**ы, земную красоту совлекши, * добре благую часть избрала еси,
Богомудрая, * юже обрете Мария, * и, вся абие оставльши временная, *
добродетелию прияла еси * мысленный бисер многоценный.

И ныне: **Д**остойно есть:

НА УТРЕНИ

На Бог Господь: тропарь святых глас 4, Богородична не глаголем.

Жизнь рождшую во чреве носила еси, Чистую Богоматерь, * Богомудрая Анно. * Темже к приятию Небесному, идеже веселящихся жилище, * в славе радующийся, ныне преставилася еси, * чтущим тя любовию * прегрешений просящи очищение, * присноблаженная. [Трижды]

По 1-й кафизме седален, глас 4.

Подобен: Скоро предвари:

Твое празднуем, праведная Анно, успение, * славою бо неизреченною прослави тя Христос Бог, яко праматерь Свою. * Темже, преставльшися, Того моли мир молитвами твоими подати нам, * покрывающи от сопротивных души наша.

Слава, и ныне, Богородичен:

Обновила еси, Чистая, Божественным Рождеством Твоим * истлевшее во страстях земнородных мертвенное существо * и воздвигла еси вся от смерти к животу нетления. * Темже Тя по долгу блажим вси, Дево Препрославленная, * якоже прорекла еси.

По 2-й кафизме седален, глас 4.

Подобен: Удивися Иосиф:

В руке нас ради от Девы вочеловечагося предавши душу, * ибо Зиждитель твой и Бог к нетленной жизни престаи ты. * Темже ныне честно ублажаем тя, * яко единой Честней и непорочней воистинну Богородице сущую мать, и согласно зываем: * Зиждителя Твоего и Бога, Христа Спаса нашего, моли * спастися душам нашим.

Слава, и ныне, Богородичен:

Удивися Иосиф, еже паче естества зря * и внимаше мыслию, иже на руно дождь, в безсеменном зачатии Твоем, Богородице, * купину, огнем неопалимую, жезл Ларонов прозябший, * и, свидетельствуя, обручник Твой и хранитель священником зываше: * Дева раждает и по рождестве паки Девою пребывает.

Аще празднуеши, величание:

Величаем тя, * святая праведная Анно, * прамати Христа Бога нашего, * и всечестное славим * успение твое.

Каноны Октоиха оба без мученична и святых на 6, глас 4.

Песнь 1

Ирмос: Отверзу уста моя * и наполнятся Духа, * и слово отрыгну Царице Матери, * и явлюся, светло торжествуя, * и воспою, радуяся, Тоя чудеса.

Согрешений прощение, и злых избавление, и жития исправление ныне ми испроси, твою светоносную память почитающему днесь, Анно всехвальная.

Живот рождшую боголепно родила еси, темже к присножизненной жизни преставилася еси, наслаждающихся радости неизглаголанная и Света невечерняго, Анно Богозванная.

Благодать Божественная к радости престаи, без семени юже роди Дщи сея Чистая, и предстоит со многим дерзновением, Господеви молящися спастися всем.

Праведно и преподобно поживши, всехвальная, к Праведному Господу ныне преставилася еси радоваться с праведными, иже от века, темже, сопедпешая, ты верою почитаем.

Богородичен: **И**з Тебе нам возсия Солнце праведное, и всю озари Богоразумием землю, и разори мглу неразумия, Чистая, Всенепорочная, и Всеблаженная.

Катавасия: **О**тверзу уста моя:

Песнь 3

Ирмос: **Н**е мудростию, и силою, и богатством хвалимся, но Тобою, Отчею Ипостасною Мудростию, Христе, несть бо свят, паче Тебе, Человеколюбче.

Заченшую Содержащаго вся зачала еси и родила еси паче слова Христа рождшую, темже твое усупение, Анно, почитаем.

С похвалами совершается славная память твоя, яко родила еси нам хвалений превышшую, Чистую Богоматерь, Анно Богоприятная.

Якоже солнце с луною, Анне совокупляясь, славный Иоаким, девства зарю раждает, Еяже ради Божества луча просия.

Гору Божественную из чресл твоих родила еси и к горам мысленным и рай селением, Анно, преминала еси, Богоблаженная.

Богородичен: **Т**я Предстательницу твердую, Богородительнице, стяжахом, упование на Тя возложивше, спасаемся и, к Тебе бо прибегающе, ограждаемся.

Седален, глас 8.

Подобен: Премудрости:

Матере Владыки и Творца мати была еси, Анно всехвальная, Того повеления присно хранящи, сего ради, умерши, к жизни бессмертней преставилася еси воистинну и к Свету невечернему. Темже светоносную и святую твою память совершаем, духом просвещаемы всегда, и согласно вопием ти: моли Христа Бога грехов оставление даровати чтущим любовию святую память твою.

Слава, и ныне, тойже.

Песнь 4

Ирмос: **С**едяй в Славе на Престоле Божества во облаце легце, прииде Иисус Пребожественный Нетленною Дланию и спасе зовущия: слава, Христе, силе Твоей.

Яже в законе писаная, поучающися, совершила еси и Законодавца Матере мати была еси, темже тебе вся тварь по долгу ныне сотворяет твою радостно память.

Блаженное чрево твое воистинну, носившее Свет мира внутрь во чреве носившую, и сосца твоя красная, яко доившая доившую, Анно, Христа, Питателя нашего.

Яко поживши непорочно, Юже непорочно родила еси, Богородицу Отроковицу, Слово Отчее породившую, и к Нему со славою вселилася еси, обожена честными воистинну причастии.

Богородичен: **Д**евы чрево – стог, якоже на гумне, воистинну явися, клас неделанен имущи, имже питается всякое естество, зовущее: Всесильне, слава, Христе, силе Твоей.

Песнь 5

Ирмос: Нечестивии не узрят славы Твоя, Христе, но мы Тя, Единородне, Отческия Славы Сияние Божества, от ноши утреннююще, воспеваем Тя, Человеколюбче.

Небо родила еси на земли воистинну, рождшую Небесе Творца, днешь ты преставающа к Небесным со славою, Анно преславная.

С невестственными чинми невестственным умом ликуеши радостно, исполняема сияния Богатодавца, но нас поминай, верою хвалящих тя.

От корене Иессеева прозябшая яве, благоцветущий жезл, Чистую, израстила еси, славная, израстившую цвет неувядающий, Иисуса, Избавителя нашего.

Богородичен: К Тебе прибегаю единой державней, верных покрову, на Тя надежду возлагаю спасения моего, Пресвятая Владычице Богородице, не презри мене.

Песнь 6

Ирмос: Пожру Ти со гласом хваления, Господи, Церковь вопиет Ти, от бесовския крове очищися ради милости от ребр Твоих истекшею Кровию.

Господа Иисуса Бога праотцы, Иоаким же и Анна, правдою украшени, по достоянию в песнях да восхвалятся днешь.

Всяческих похвал Анна превзыде, яко всякия похвалы превозпедшую родила есть, сего ради в лице праведных водворяется.

Светоносия и светлости исполнена память твоя, сияния же в мире спасительная испущающи, целомудренная Анно, дарований всяческих исполни.

Ручку, манну Божественную вместившую, во чреве носила еси, Анно, и, с Нею ныне на Небесех живущи, о всех молишися, прехвальная.

Богородичен: От Анны мирови родилася еси, Царице, всех Царя рождающая, и, девствующи по Рождестве, Херувим превышши, Пренепорочная.

Кондак, глас 2.

Подобен: Вышних ища:

Прародителей Христовых память празднуем, тех верно просяще помощи избавитися всем от всякия скорби, зовущим: Бог наш с нами, сих прославлей, якоже благоволи.

Икос: Пророчески снидемся вси достойно пети праматере Христовы блаженное претавление: днешь бо от временныя претавися жизни, на Небесех с радостию шествие творящи, радуется, яко сущи мати истинныя сущия Богородицы, и взывает верно: величит душа моя Господа, яко родих Сего Матерь на земли, Иже Сию прославлей, якоже благоволи.

Песнь 7

Ирмос: Спасый во огни авраамския Твоя отроки и халдеи убив, яже Правда праведно уловяше, препетый Господи, Боже отец наших благословен еси.

Яко жизни истинныя, Анно, Матерь рождши, к жизни истинней претавилася еси ко свету, зывающи: препетый Господи, Боже отец наших, благословен еси.

Иже Матери Избавителя мати сущи, Анно, от земли к Небеси, добродетельми украшена, востече, во хвалении зовущи: Боже отец наших, благословен еси.

К нескончаемой жизни, к пространней широте райския пищи, к невечернему свету отшла еси, Богоносице, зовущи: Боже отец наших, благословен еси.

Испещрена добродетельми, добротою Божественных дарований украшена, к Богу преложися, непрестанно зовущи: препетый Господи, Боже отец наших, благословен еси.

Богородичен: Украшена добротами добродетелей, красного паче сынов человеческих и родила еси Слово, Пренепорочная, красными лепотами украшающаго Тебе песнословящих.

Песнь 8

Ирмос: Отроки благочестивыя в пещи Рождество Богородичо спасло есть; тогда убо образу емое, ныне же действуемое, вселенную всю воздвизает пети Тебе: Господа пойте, дела, и превозносите Его во вся веки.

Мати единыя Богородицы, яже неплоды прежде, ныне же прамати Христова, якоже неплодства, сице и мертвости, совлекши одежду, во стране живущих вопиет: Господа пойте, дела, и превозносите Его во вся веки.

Христос тебе двери Вышния отверзе, радостно тя прият, яко дверь родила еси, еюже Сам пройде и затворену яви по исхождении, Богомудрая достойнопетая Анно, темже тя почитаем, вернии, во веки.

Свято житие скончавши, Святыя Приснодевы мати была еси, Яже Пресвятое Слово породила, освящение и избавление нам подающа, Богомудрая и досточудная Анно, темже тя поем присно, вернии, во веки.

Богородичен: Многими мя содержима бедами и бурею греховною бедствующаго, ко пристанищу невлаемому дыханий Духа, Богородительнице Владычице, ныне настави: пристанище бо еси христиан. Темже Тя поем во вся веки.

Песнь 9

Ирмос: Ева убо недугом преслушания клятву вселила есть; Ты же, Дево Богородице, прозябением чревоношения мирови Благословение процвела еси. Тем Тя вси величаем.

От земли чрева твоего воистинну родися земля святая, неделанен клас прозябши безсеменно, мирови Питателя и Господа, тебе к пищи неизживаемой, Анно, премудро представляющаго.

Память твоя днесь нам возсия, солнца светлейши, сиянием богатых даров нас просвещающа, всечестная, и мрак страстей изымающа, юже совершающих сохрани.

Божественный нас Иоаким и Анна Богомудрая и всеславная, супруг честный и светоносный, созывают божественно веселитися сих праздником, егоже уясни Светодавец всех Господь.

Богородичен: Марие Госпоже всех, всякими мя порабощена согрешении ныне свободи: Сама бо Свободителя родила еси всех, работы нас избавльшаго греховныя, Божественным мановением.

Светилен.

Подобен: Со ученики:

Достодолжно воспоем Богозванную Анну: Богородицу бо та Деву Марию рождши паче надежды, сродница по плоти Христа, Избавителя нашего, явися, сию боголепно приемшаго днесь в Вышних, о нас молящуюся и о умирении мира.

Слава, и ныне.

Подобен: Небо звездами:

Небо рождши, Анно, новое, Марию, Еюже возсия славы Солнце, днесь от земли к Небесным преходиши, Христу срадующися, преславная.

На хвалитех стихиры на 4, глас 1.

Подобен: Небесных чинов:

Память совершающе честную, Тебе воспеваем, Христе, преславно Анну от жизни привременныя к непрестающей славе преставльшаго ныне, яко мать сущую без семени рождшия Тя паче естества Богородицы и Приснодевы Матере.

Память святую совершающе праотец Христовых Иоакима и Анны, честных и непорочных, прославляем непрестанно Избавителя и Щедрого Господа, сих преставльшаго к жизни нестареем и нетленней.

К невещественным ликом и праведных селением, идеже ангельстии чини, идеже святых собор, радость празднующих совершается, и ныне духи праведных Иоакима и Анны всели, ихже благочестно восхваляюще, ублажим.

Слава, и ныне, глас 2:

Приидите, любодевственнии вси и чистоты рачителие, приидите, празднуем Аннино честное успение: ибо та породи паче естества источника жизни, Марию Богоотроковицу, из Неяже родися Избавитель, просвещай и освящай души наша.

Славословие великое и отпуст.

НА ЛИТУРГИИ

Блаженны от канона, песни 3-я и 6-я.

Заченшую Содержащаго вся зачала еси и родила еси паче слова Христа рождшую, темже твое успение, Анно, почитаем.

С похвалами совершается славная память твоя, яко родила еси нам хвалений превышшую, Чистую Богоматерь, Анно Богоприятная.

Якоже солнце с луною, Анне совокупляясь, славный Иоаким, девства зарю раждает, Еяже ради Божества луча просия.

Гору Божественную из чресл твоих родила еси и к горам мысленным и рай селением, Анно, преминула еси, Богоблаженная.

Господа Иисуса Бога праотцы, Иоаким же и Анна, правдою украшени, по достоянию в песнях да восхваляются днесь.

Всяческих похвал Анна превзыде, яко всякия похвалы превозшедшую родила есть, сего ради в лице праведных водворяется.

Светоносия и светлости исполнена память твоя, сияния же в мире спасительная испускающи, целомудренная Анно, дарований всяческих исполни.

Богородичен: От Анны мирови родилася еси, Царице, всех Царя рождающая, и, девствующи по Рождестве, Херувим превышши, Пренепорочная.

Тропарь праведной Анны, глас 4:

Жизнь рождшую во чреве носила еси, Чистую Богоматерь, * Богомудрая Анно. * Темже к приятию Небесному, идеже веселящихся жилище, * в славе радуящихся, ныне преставилася еси, * чтущим тя любовию * прегрешений просящи очищение, * присноблаженная.

Кондак праведной Анны, глас 2.

Прародителей Христовых память празднуем, * тех верно просяще помощи избавитися всем * от всякия скорби, зовущим: * Бог наш с нами, сих прославлей, * якоже благоволи.

Прокимен, глас 4: Дивен Бог во святых Своих, Бог Израилев.

Стих: В церквах благословите Бога, Господа от источник Израилевых.

Апостол к Галатам, зачало 210.

Братие, не ведуще Бога служите не по естеству сущим богом. Ныне же, познавше Бога, паче же познани бывше от Бога, како возвращаетесь паки на немощныя и худыя стихии, имже паки свыше служити хотите? Дни смотрите, и месяцы, и времена, и лета. Боюся о вас, еда како все трудихся в вас. Будьте якоже аз, зане и аз, якоже вы, братие, молю вы. Ничимже мене обидесте. Весте же, яко за немощь плоти благовестих вам первее. И искушения моего, еже во плоти моей, не уничижисте, ни оплевавсте, но якоже Ангела Божия приясте мя, яко Христа Иисуса.

Аллилуия, глас 1: Спасение праведным от Господа, и защититель им есть во время скорби.

Евангелие от Луки, зачало 36.

Рече Господь: никтоже убо светильника вжег, покрывает его сосудом, или под одр подлагает, но на свещник возлагает, да входящие видят свет. Несть бо тайно, еже не явлено будет, ниже утаено, еже не познается и в явление приидет. Блюдитесь убо, како слышите, иже бо имать, дастся ему, и иже аще не имать, и еже мнится имея, возмется от него. Приидоша же к Нему Мати и братия Его, и не можаху беседовати к Нему народа ради. И возвестиша Ему, глаголюще: Мати Твоя и братия Твоя вне стоят, видети Тя хотяще. Он же отвещав рече к ним: мати Моя и братия Моя сии суть, слышащии слово Божие, и творящии е.

Причастен: Радуйтесь:

УСПЕНИЕ ПРАВЕДНОЙ АННЫ.

Праведная Анна, мать Пресвятой Богородицы, происходила родом из мессианского колена Левина (по отцу) и мессианского колена Иудина (по матери). Дочь Матфана, она была супругой праведного Иоакима, потомка царя Давида, которому Бог обещал, что от семени его потомства родится Спаситель мира.

После двадцати лет брачной жизни праведные Иоаким и Анна не имели детей и глубоко скорбели об этом. Но они не роптали на Бога и со смирением переносили бесплодие, считавшееся у древних иудеев позором. После того как однажды во время большого иудейского праздника дары праведного Иоакима, принесенные Богу в ветхозаветный храм в Иерусалим, были отвергнуты израильским книжником Рувимом (на том основании, что у Иоакима нет потомства), праведный Иоаким удалился в пустыню. Здесь он постился 40 дней и 40 ночей, пребывая в молитве. Праведная Анна в это время также молилась Богу, умоляя Его даровать ей ребенка. Праведная Анна дала обет, если у нее будет ребенок, посвятить его Богу. Внезапно ей явился Ангел Господень и сказал: «Не бойся, Анна, ибо твой отпрыск предрешен Богом и то, что родится от тебя, будет в почитании во все века, до окончания их».

В то же время Ангел Господень явился святому Иоакиму со словами утешения: «Знай о твоей жене, что она зачнет Дочь, Которая пребудет в храме Бога, и Дух Святой почиет на Ней, и благословение Ее будет на всех святых женах.. и Сама Она будет благословенна и станет Матерью вечной благодати».

По возвращении домой из пустыни праведный Иоаким совершил Богу принятые по закону жертвоприношения. Через девять месяцев праведная Анна родила дочь. Благочестивые супруги нарекли Ее Марией.

Праведный Иоаким преставился в 80-летнем возрасте, через несколько лет после введения во Храм Пресвятой Девы Марии. Праведную Анну в возрасте 70 лет Бог сподобил провести два года при Иерусалимском храме, где она воспитывала свою Благословенную Дочь. По преданию, праведная Анна мирно почила о Господе в Иерусалиме через два года после блаженной кончины праведного Иоакима.

При святом благоверном царе Иустиниане (527–565) в Девтере был выстроен в ее честь храм. Император Иустиниан II (685–695; 705–711) обновил этот храм после того, как праведная Анна явилась его беременной супруге. После этого события тело праведной Анны и ее мафорий (покрывало) были перенесены в Константинополь. В память святых праведных Богоотец Иоакима и Анны воздвигались храмы и монастыри и в Русской Православной Церкви. В литургической жизни имена праведных Иоакима и Анны ежедневно воспоминаются во время Богослужений.